



**ADDENDA PARA A PRÓRROGA DO CONVENIO ENTRE O INSTITUTO GALEGO DE PROMOCIÓN ECONÓMICA (IGAPE) E ASOCIACIÓN DE EMPRESARIOS GALEGOS DE MADRID (AEGAMA) PARA O FOMENTO DA COOPERACIÓN ENTRE EMPRESARIOS DE ORIXE GALEGO DE MADRID E EMPRESARIOS GALEGOS DE GALICIA**

**REUNIDOS**

Dunha parte, Covadonga Toca Carús en nome e representación do Instituto Galego de Promoción Económica (en adiante, Igape), co NIF Q6550010J e domicilio social en Edificio Igape, Complexo Administrativo San Lázaro, s/n, 15707 Santiago de Compostela, na súa calidade de directora xeral. Está facultada para este acto en virtude da delegación de facultades recollida na Resolución do 17 de outubro de 2023 (DOG núm. 203, do 25 de outubro de 2023).

E doutra, Julio Lage González en nome e representación da ASOCIACIÓN DE EMPRESARIOS GALEGOS DE MADRID (AEGAMA), constituída en Madrid o 22 de maio de 1990, inscrita no Rexistro Provincial de Asociacións da Delegación do Goberno en Madrid, baixo o nº 10.678 o 18 de setembro de 1990, CIF nº G-79532354, con enderezo Rúa Ourense, 10 2ª Planta, Oficina 10, Madrid.

As partes comparecentes recoñécense mutuamente plena lexitimación, capacidade e representación, para a sinatura do presente convenio e para estes efectos,

**MANIFESTAN**

**PRIMEIRO.-** Que o Igape e AEGAMA asinaron o 12 de marzo de 2025 un convenio de colaboración co fin de promover a cooperación entre empresarios e profesionais de Galicia e empresarios socios da Asociación de Empresarios Galegos de Madrid.

**SEGUNDO.-** Que o obxectivo do convenio é regular a colaboración entre o Igape e a AEGAMA para o fomento da cooperación entre empresarios galegos de Galicia e os empresarios de orixe galego de Madrid co obxectivo de fortalecer os negocios e alianzas deste colectivo

**TERCEIRO.-** Que a realización das accións da AEGAMA representa un importante valor tanto para as institucións galegas como para as empresas galegas que poidan beneficiarse. As ditas accións están encamiñadas, entre outras, a incrementar as relacións entre os empresarios asociados a AEGAMA e o Igape e, en xeral, a Xunta de Galicia. As distintas accións buscarán favorecer os contactos, promover acordos de colaboración que contribúan a facilitar posibles investimentos en Galicia así como a que empresas galegas incrementen as súas redes comerciais e presenza en Madrid.

**CUARTO.-** Que a cláusula oitava do convenio prevé a posibilidade dunha prórroga por un ano adicional, ata o 30 de decembro de 2026, previo acordo das partes. O 11 de novembro de 2025 tivo entrada a solicitude de prórroga do convenio asinada polo presidente da AEGAMA.

Por todo o exposto, e con esta finalidade, as partes acordan formalizar a presente addenda de conformidade coas seguintes:

**CLÁUSULAS:**

**PRIMEIRA.-** Modifícase a cláusula terceira do convenio (Financiamento) nos termos que seguen:

- I. Substituír o cadro das accións a executar por parte de AEGAMA polo que se incorpora no anexo I desta addenda.



- II. O orzamento total estimado para anualidade 2026 será de corenta mil euros (40.000,00 €) IVE non engadido.
- III. O Igape financiará a contía de vinte dous mil euros (22.000,00 €), con cargo á aplicación orzamentaria 09.A1.741A.640.0 dos orzamentos xerais da Comunidade Autónoma Galega para o ano 2026.
- IV. AEGAMA achegará dezaoto mil euros (18.000,00 €) cos que cofinanciará as actividades recollidas no anexo I.

**SEGUNDA.-** Modifícase a cláusula quinta do convenio (*Xustificación e pagamento*) nos seguintes termos:

1. O prazo de presentación da solicitude de cobramento no Igape comezará o día seguinte á finalización das accións indicadas na cláusula primeira e rematará o 1 de decembro de 2026. Poderán imputarse os gastos efectuados dende o 16 de novembro de 2025 ata o 1 de decembro de 2026.

**TERCEIRA.-** Modifícase a cláusula oitava do convenio (*Vixencia e causas de resolución*) nos seguintes termos:

Prorrógase a vixencia do convenio ata o 30 de decembro de 2026.

**CUARTA.-** Declárase expresamente a vixencia do restante contido e clausulado do convenio asinado o 12 de marzo de 2025, o cal manterá a súa plena validez nos termos en que fora redactado, sendo de aplicación igualmente a presente addenda.

E en proba de conformidade, as partes asinan a presente addenda o 31 de decembro de 2025.

Polo **IGAPE,**

Pola **AEGAMA,**

Covadonga Toca Carús  
A directora xeral

Julio Lage González  
O presidente



ANEXO I

PROPOSTA DE ACCIÓNS PARA O ANO 2026

Don/Dona ..... con DNI ..... en nome e representación da entidade ..... con número de identificación fiscal .....

**DECLARO**, baixo a miña responsabilidade, que a entidade a que represento ten planificado levar a cabo, o amparo do presente Convenio, as seguintes accións o longo de 2026:

Nome acción	Descrición acción	Custo total estimado realización acción
<b>Acto de entrega asociado de honor a D. Kyril de Bulgaria</b>	Xantar con entrega de asociado de honor a unha persoa relevante para Galicia e Madrid, presidido pola Conselleira de Economía, Industria e Innovación, coa participación de empresarios relevantes en Madrid e Galicia.	6.000 €
<b>Premio Victoriano Reinoso</b>	Cea de gala con entrega de premio a un empresario relevante para Galicia.	9.000 €
<b>Encontro anual de Galegos polo mundo</b>	Encontro internacional anual de empresarios galegos polo mundo.	8.000 €
<b>Entrega de premios AEGAMA do verán</b>	Cea de gala con entrega de premios internacionais a empresarios relevantes.	10.000 €
<b>Presentación anual de Galicia a empresarios madrileños</b>	Xantar, coloquio autoridades da Consellería de Economía, Industria e Innovación e do Igape, con participación de empresarios relevantes en Madrid.	7.000 €
<b>Total</b>		40.000 €

En ....., a ..... de ..... de .....

Asdo.: .....